



Na osnovu člana 15. stav (1) tačka a), b) i e) Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06 i 51/09), člana 50. stav (1) tačka a), e) i g) Statuta Općine Novo Sarajevo („Službene novine Kantona Sarajevo“ broj 5/20 – Prečišćeni tekst i 20/20 - Ispravka) i člana 3. Odluke o načinu odabira i praćenju realizacije projekata nevladinih/neprofitnih organizacija po LOD metodologiji („Službene novine Kantona Sarajevo“ broj: 49/15 i 6/20), Općinski načelnik Općine Novo Sarajevo, raspisuje

JAVNI POZIV

**udruženjima/fondacijama (organizacijama civilnog društva/nevladinim organizacijama)
za predaju prijedloga projekata iz oblasti obrazovanja, kulture, sporta, podrške mladima, podrške za djecu i odrasle osobe sa poteškoćama u razvoju, podrške za osobe treće životne dobi i zaštite okoliša**

I PRIORITETNE OBLASTI I TEME

Općina Novo Sarajevo (u daljem tekstu: Općina) poziva sva udruženja/fondacije, odnosno organizacije civilnog društva (OCD) / nevladine organizacije (NVO) iz Bosne i Hercegovine da dostave prijedloge projekata iz sljedećih prioritetnih oblasti:

1. Obrazovanje

- 1.1. Projekti koji imaju za cilj podizanje svijesti o važnosti cjeloživotnog učenja i promovisanje demokratije i standarda volonterizma.
- 1.2. Projekti koji imaju za cilj edukaciju djece i mladih o zdravoj ishrani, promociju zdravih stilova života školske populacije, te promociju prevencije ovisnosti, maloljetničkog nasilja, delikvencije i nasilja u porodici.
- 1.3. Projekti koji imaju za cilj promoviranje ravnopravnosti spolova u skladu sa Gender akcionim planom Općine Novo Sarajevo za period 2018.- 2022. godina (Srednjoročni cilj 3. Općina prati stanje i saraduje sa drugim akterima na unapređenju stanja ravnopravnosti spolova).

2. Kultura

- 2.1. Projekti koji imaju za cilj poboljšanja kvaliteta kulturnih sadržaja za sve kategorije stanovništva kroz promociju različitih vidova kulture, umjetnosti, kulturno – umjetničkog amaterizma i volonterizma.
- 2.2. Projekti koji imaju za cilj promociju tradicije i kulturne baštine nacionalnih manjina.

3. Sport

- 3.1. Projekti koji se realizuju u cilju poboljšanja kvaliteta i dostupnost sportskih i rekreativnih sadržaja za sve kategorije stanovništva kroz promociju i unaprjeđenje sporta (afirmacija zimskih, vodenih i drugih sportova, organizacija sportskih takmičenja za učenike osnovnih i srednjih škola, te povećanje broja korisnika sportsko - rekreativnih aktivnosti).

4. Podrška mladima

- 4.1. Projekti koji imaju za cilj unaprjeđenje omladinskog aktivizma (razni vidovi edukacija, promotivne kampanje i kulturni sadržaji za mlade umjetnike).

5. Podrška za djecu i odrasle osobe sa poteškoćama u razvoju

- 5.1. Projekti koji imaju za cilj socijalno uključivanje djece i odraslih osoba sa poteškoćama u razvoju kroz realizaciju edukativnih i rekreativnih programa, u cilju poboljšanja kvaliteta i dostupnosti inkluzivnog obrazovanja i socijalne zaštite.

6. Podrška za osobe treće životne dobi

6.1. Projekat koji ima za cilj poboljšanje kvaliteta života i socijalne uključenosti osoba treće životne dobi u okviru mreže centara za zdravo starenje Novo Sarajevo.

7. Zaštita okoliša

7.1. Projekti koji imaju za cilj provođenje aktivnosti obrazovanja i obuke iz područja zaštite okoliša na području Općine Novo Sarajevo.

II VISINA SREDSTVA KOJA SE DODJELJUJE PO PROJEKTU

-Sredstva za odobrene projekte iz oblasti obrazovanja, kulture, sporta i podrške mladima (navedene pod tačkama 1., 2., 3. i 4.) iznosit će od 5.000,00 KM do 10.000,00 KM (konvertibilnih maraka) po projektu. Ukupno planirana sredstva za projekte iz navedenih oblasti **iznose 130.000,00 KM.**

-Sredstva za odobrene projekte iz oblasti podrške za djecu i odrasle osobe sa poteškoćama u razvoju; (navedeno pod tačkom 5.) iznosit će od 10.000,00 KM do 20.000,00 KM (konvertibilnih maraka). Ukupno planirana sredstva za projekte iz navedene oblasti **iznose 40.000,00 KM.**

-Sredstva za odobreni projekat iz oblasti Podrška za osobe treće životne dobi (navedeno pod tačkom 6.) iznosit će **do 50.000,00 KM** (konvertibilnih maraka). Ukupno planirana sredstva za projekat iz navedene oblasti **iznose 50.000,00 KM.**

-Sredstva za odobrene projekte iz oblasti zaštite okoliša (navedeno pod tačkom 7.) iznosit će od 5.000,00 KM do 10.000,00 KM (konvertibilnih maraka) po projektu. Ukupno planirana sredstva za projekte iz navedene oblasti **iznose 20.000,00 KM.**

Sveukupno planirana sredstva za Javni poziv za svih sedam oblasti iznose 240.000,00 KM

Općina zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije.

III UČESNICI JAVNOG POZIVA

Učešće u ovom javnom pozivu je otvoreno, na jednakim osnovama, za sva formalno registrovana udruženja/fondacije, u skladu s važećim zakonskim propisima u Bosni i Hercegovini.

Sva zainteresovana udruženja/fondacije, detaljne informacije o uslovima za prijavu/apliciranje i kriterijima za finansiranje projekata mogu pronaći u Smjernicama za podnosiocje prijedloga projekta u okviru Javnog poziva.

IV PERIOD REALIZACIJE PROJEKATA

Dužina trajanja svakog projekta može biti minimalno jedan mjesec, a izabrani projekti trebaju da se provedu najkasnije do 15.12.2022. godine, uz obavezno poštovanje svih epidemioloških mjera.

Projekat iz oblasti Podrške za osobe treće životne dobi treba da se provede najkasnije do 31.12.2022. godine, sa mogućnošću produženja maksimalno do 12 mjeseci pod istim uslovima, počevši od 01.01.2023. godine.

Projekti koji su dobili finansijsku podršku Općine, trebaju se realizovati u skladu sa dostavljenim prijedlogom projekta i LOD- metodologijom.

Potpisivanje ugovora sa odabranim aplikantima očekuje se u toku mjeseca maja 2022. godine, te će aplikanti u skladu sa tim i planirati početak realizacije svojih projekata.

V LOKACIJA

Projekat mora biti implementiran na području Općine, osim aktivnosti za koje ne postoje pretpostavke (uslovi) da se odvijaju na teritoriji Općine, a čija su ciljna grupa građani Općine.

Prilikom odabira projekata prednost imaju oni projekti koji će se realizovati u JU „Međunarodni centar za djecu i omladinu Novo Sarajevo“ u objektima koji se nalaze ul. Kemala Kapetanovića br. 17 i Grbavička bb, i Sportskoj dvorani „Goran Čengić“ u ul. Zvornička br. 23.

Projekat iz oblasti Podrška za osobe treće životne dobi mora biti implementiran u svim objektima Centara za zdravo starenje Novo Sarajevo – Hrasno, Velešići i Čengić Vila i biti namijenjen njihovim korisnicima.

VI BROJ PROJEKATA KOJE UDRUŽENJE MOŽE KANDIDOVATI

Aplikant može predati više od jednog projektnog prijedloga sa odvojenim prijavnim formularima i dokumentacijom za svakog od njih, a finansirat će se samo jedan uspješno ocijenjen i odabran projekat.

VII PREUZIMANJE DOKUMENTACIJE

Dokumentacija i informacije vezane za prijavu na Javni poziv, mogu se preuzeti sa službene web stranice Općine www.novosarajevo.ba ili lično u Općini - Služba za obrazovanje, kulturu i sport, soba 226, ulica Zmaja od Bosne broj 55, 71000 Sarajevo.

VIII EDUKACIJA O NAČINU PRIJAVLJIVANJA NA JAVNI POZIV

Svi aplikanti se mogu prijaviti, odnosno iskazati zainteresovanost za učestvovanje na „Otvorenom danu“, na kojem će im biti pružene sve neophodne informacije o načinu prijavljivanja na javni poziv.

Prijave se podnose u roku od 10 dana od dana objave ovog javnog poziva, putem e-mail adrese obrazovanje@novosarajevo.ba ili putem telefonskog broja 033/492-360.

Vrijeme i mjesto održavanja „Otvorenog dana“, zainteresovanim aplikantima saopštiti će se naknadno putem web stranice Općine, a sa ciljem poštovanja epidemioloških mjera.

IX PREDAJA APLIKACIJA

Ispunjena aplikacija (sa kompletnom zahtijevanom dokumentacijom) mora se dostaviti u dva (2) primjerka u štampanoj formi i u jednoj elektronskoj kopiji (CD ili USB) u zatvorenoj koverti sa naznakom

*„za Javni poziv
udruženjima (organizacijama civilnog društva/ nevladinim organizacijama)
za predaju prijedloga projekata iz oblasti obrazovanja, kulture, sporta, podrške mladima, podrške za djecu i
odrasle osobe sa poteškoćama u razvoju, podrške za osobe treće životne dobi
i zaštite okoliša“*

preporučenom poštom ili na protokol Općine tokom radnih dana (ponedjeljak-petak), na sljedeću adresu:

*Općina Novo Sarajevo
Zmaja od Bosne broj 55
71000 Sarajevo
Bosna i Hercegovina*

Na koverti mora biti naznačeno: naziv poziva za predaju prijedloga projekata, puno ime i adresa podnosioca projekta, oblast za koju se aplicira i navod “Ne otvarati”.

X ROK ZA PREDAJU

Rok za predaju aplikacija/prijava je **28 dana** od dana objavljivanja u sredstvima javnog informisanja i na web stranici Općine, odnosno do **21.04.2022.** godine.

Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. O primljenoj pošiljci u Općini će se voditi uredna evidencija i izdavati potvrde o prijemu.

XI NAČIN OCJENJIVANJA PROJEKTNIH PRIJEDLOGA

Ocjenjivanje će izvršiti Komisija za ocjenjivanje i odabir projekata, koju će imenovati Općinski načelnik. Rezultati će biti objavljeni na web stranici Općine, kao i na oglasnoj ploči Općine, najkasnije **30** dana od dana zatvaranja javnog poziva.

Svi aplikanti koji su predali prijedloge projekata, koji su prihvaćeni ili odbijeni, bit će obaviješteni u pisanoj formi o odluci u vezi s njihovim prijedlogom projekta.

Broj: 16-11-2774/22
Sarajevo, 24.03.2022. godine

OPĆINSKI NAČELNIK
Dr. Hasan Tanović